

ALEGRIA y FANTASIA 71

Parada escolar Oranjestad yen di alegria y fantasia



Ayera mainta studiantenan di scolnan preparatorio y basico di Oranjestad a tene nan parada escolar. Un parada yen di alegria y fantasia cu muchanan disfrutando riba ritmo di musica contagioso di carnaval.

E parada a conta cu un total di siete grupo cu tabata consisti di 13 scol preparatorio y basico. Pa 9:30 di mainta e parada a sali for di Entertainment Center pa asina termina na Plaza Libertador Betico Croes.

Scolnan cu a participa tabata Reina Beatrix School, Prinses Amalia Basisschool, Arco Iris Kleuterschool, Play2Whizz Campus,

Mon Plaisir, PiusX School, Fatima College, Frere Bonifacius, Rosario College, Colegio Conrado Coronel, Scol Paso pa Futuro, Scol Soeur Juliette y Sint Dominicus College.

Un cantidad di persona tambe tabata presente, para banda di caminda, pa disfruta y alabes anima e muchanan den nan parada escolar.

Esaki ta prome parada escolar di Carnaval 71 y diabierna binidero Noord ta bay tin su parada escolar, y ta toca turno tambe na scolnan secundario di Oranjestad, como tambe di San Nicolas pa realisa nan paradanan escolar.



Island Asia Store
Av. Milio Croes #122 | T. 583-8888 | (front of Price Smart)
TIN SURTIDO SPECIAL PA CARNAVAL 71
Nos tin jug di diferente tamaño, blas, accesorio, bril solo, keds, sandalia, mea, sapato, sweaterm y t-shirt.
Articulo pa bo fantasia di Carnaval y prijs pa tur carter!"
HORARIO: Dialuna - Diasabra 9AM - 7PM (NON STOP)
Diadomingo 10AM - 2PM



Schedule di evento pa Carnaval 71		
Temporada di Carnaval 71 ta den full-swing, y ainda tin un cantidad di parada y actividad pa disfruta! No perde niun di e siguiente actividadnan di Aruba su Carnaval:		
Diasabra 22 di februari	Lighting Parade Oranjestad	8:00 pm - 3:00 am
Diadomingo 23 di februari	Parada di Mucha San Nicolas	2:00 pm - 6:00 pm
Diadomingo 23 di februari	Kimamento di Momito	7:00 pm - 9:00 pm
Diashuebs 27 di februari	Parada di Luz San Nicolas	8:00 pm - 2:00 am
Diabierna 28 di februari	Parada Escolar San Nicolas	10:00 am - 1:00 pm
Diabierna 28 di februari	Parada Escolar Noord	8:00 am - 10:30 pm
Diabierna 28 di februari	Parada Escolar Oranjestad	10:00 am - 1:00 pm
Diasabra 1 di maart	Parada Grandi San Nicolas	11:00 am - 7:00 pm
Diadomingo 2 di maart	Parada Grandi Oranjestad	11:00 am - 7:00 pm
Diadomingo 2 di maart	Kimamento di Momo	7:00 pm-10:00 pm
Dialuna 3 di maart	Chill Out Monday Baby Beach	12:00 pm - 9:00 pm
Diarranson 5 di maart	Diarranson di Shinishi.	

ALEGRIA y FANTASIA 71



100 aña di compromiso: Aruba Bank ta haci donacion di 100 mil florin na SEPB

Sosteniendo educacion vocational y futuro di nos hobennan den area laboral



Aruba Bank ta continua cu su compromiso pa sostene desaroyo di nos comunidad cu un donacion di 100 mil florin na Stichting Educacion Profesional Basico (SEPB). E donacion aki ta confirma e dedicacion di Aruba Bank pa promove educacion vocational y futuro di nos hobennan den area laboral, mientras cu e ta reenforza su rol como un lider socialmente responsabel na Aruba. Cada luna Aruba Bank ta continua cu un donacion special pa un instancia den nos comunidad.

Gerencia di Aruba Bank conhuntamente cu ekipo di mercadeo di e banco a bishita EPB Oranjestad y EPB San Nicolas pa un recorido di ambos scol pa siña un poco mas di nan

y di nan projectionnan pa 2025. Durante di e recorrido, Managing Director di Aruba Bank, Sra. Sharon Fränkel – de Cuba, a duna un discurso caminda cu e ela expresa cu ta un honor pa Aruba Bank haci un di dos donacion den cuadro di celebracion di 100 aña, cu alavez ta un siglo di muestra di confiansa di e pueblo di Aruba y e relacion cu nos a forma cu nos comunidad. Sra. Fränkel-de Cuba a reflexiona ariba e meta di e contribucionnan den nos comunidad y a presenta e donacion di 100 mil florin na EPB Oranjestad y San Nicolas."

Sr. Mathilda, cabesante di EPB San Nicolas y Sr. Lopez, cabesante di EPB Oranjestad a expresa nan gratitud y entusiasmo cu awor tin recurso pa logra algun plan grandi pa sostene ambos scol.